

'Sëedhe 'ö Pɔdhö -ya bɔ Atanna -bha me -nu 'wo Fidhipö -pö 'gü -a -nu -dhe

-Tuabhonaɔ

1 ¹ Mang Pɔdhö -me yaa- Timote 'yi -kë Yesu Klisi -bha gwëemi 'ka bha yi -në 'yi 'sëedhe ya- bɔ, me "pepe 'ka -ya -sü 'ka -dɪ -wɔn "dhiü- -bha 'ka Fidhipö -pö 'gü bha, kaa- ka -gɔme -nu waa- ka "dhiüziöwome -nu ka -dhe. ² A -bhea kwa Dë Atanna waa- kwa Dëme Yesu Klisi -a -nu -dhe kö -wo -gasite kë ka -dhe, kö -wo zuëwaanüsü nu ka -dhe!

Bhea" 'ö Pɔdhö -ya wo Atanna -dhe Fidhipö -me -nu -wɔn 'gü -a -dhiang 'ö- zë

³ N -zu -ya -bö ka -wɔn 'ka -kɔ 'ö- 'gü 'do 'do, a (n Dë) Atanna -në- nue" -bho, ⁴⁻⁵ -a -gen -mü -dhe 'ö sü- zü bho -yi bha 'ö nu 'ö zun- 'ka -deɛ -bha, ka n -ta -kun 'wɔn -së 'ö go- "piü- bha- -naɔ dɔ -sü -bha -kpeawo. Yö -në- -wɔn 'gü 'yö 'ma bhea"- -dhe -kɔ 'ö- 'gü 'do 'do, me -gban "pepe ka -wɔn 'gü, 'yö 'a- wo zuëniida 'ka. ⁶ A 'dhang -bho "dhiü n zuë" -gban 'ka -dhe yöö do 'ö yë -së 'ö "dhü bha- zü bho ka zuë" "piü bha, -yö -dho -a taa kë -kpeawo 'ö dho- 'ka "dhü 'ö zun- 'ka Yesu Klisi yee kë -yi -bha. ⁷ -A -dhea -bha -dhe -zu 'gɔn -kɔ suu bha 'a- kë me -gban ka -wɔn 'gü, -a -gen -mü -dhe ka -dho -yö n -kë -dedewo, -a -gen -mü 'zü -dhe "klusë 'ö Atanna -ya -kë n 'ka bha -yaa- kë ka 'ka 'pö. A -kë -kaso 'gü oo, 'een a -kë za -gblü "dhiü oo, a Atanna -bha naɔ -së bha- -takoze -kpeawo kë "dhü kö me -gban -wo 'dhang bho- "dhiü -dhe tean- -mü. -Dhe -a "klu -yö -dhi kwa 'ka -kpeawo. ⁸ N "seɛ- -mü Atanna -në- 'ka, -dhe me -gban "pepe ka -wɔn -yö n -gɔ "gbu- -dho 'ö go Yesu Klisi "piü bha- -wɔn 'gü.

⁹Wɔn 'ö =ya kē 'a- -dhe -gɔ kö a bhea" siē- -dhe, yō -mü -dhe kö -dho 'ö ka 'gü bha -ya 'bha -da -ta -kpeawo, kö -a dhɔɔbhaawɔn -nu -bho 'koo dɔ -sü 'ö 'kpakpadhö bha -yö kē ka -gɔ -dho bha- 'gü. ¹⁰A -bhea 'zü "dhü kö 'ka 'wɔn -sē -dede 'ö -dhi -dhe -a dɔ, kö 'ka- kē, kē "dhü kö 'ka kē "puu "slüöslü 'ka, kö pö 'a 'dho kē ka -bha tongtongdhö Klisi nu -yi 'ka. ¹¹Kē "dhü kö 'wɔn -sē "pepe 'ka- -kē Yesu Klisi faan 'ka bha- -trɔɔn- ka -kɔ pa 'yi bha- 'ka, kö Atanna 'tɔ- bho, kö me -gban -wa nue" bho.

Yesu -bha -kē Pɔdhö -zē -bha -tosea -gban 'ka -kɔ -dhiang 'ö- zē

¹²N dheebhang -nu, -yö n "piü -dhe 'a 'wɔn do pö ka -dhe kö -yö 'to ka 'yaan. Yö -mü -dhe 'wɔn 'ö n =slɔɔ 'a dɔ- 'ka ya -yö kē -kē naɔ -sē 'ö go Atanna "piü -a -dho "dhiü -gen -nē- 'ka. ¹³Kee 'sa -yö "dhü tean- 'ka, -a -gen -mü -dhe me "pepe 'wo -gblüdē -kweandhö yö waa- 'me 'wo -dhe "wēe -zian 'gü, -wa 'wɔn -dɔ -dhe bhiē" 'ö n -bha ya, n -kē "dhiü -gen -mü n -bɔ Klisi 'ka -wɔn =nē- 'ka. ¹⁴N -kē -kaso 'gü -wɔn bha -yö kwa dheebhang -nu 'wo yö -a me 'gbe =dede -bha -to Atanna "piü -sü -tapa -sü 'ka, 'ö- -nu -zɔ -gban =dedewo. -A -kē "dhü -sü -wɔn 'gü, =wa Atanna -dhiang zē "tüng ya- 'gü 'waa- zē -kɔ dɔ "piü 'ka, -a -gen -mü -dhe "suü 'bha 'yaa- -nu 'gü 'zü.

¹⁵-Yö "dhü tean- 'ka =dhe -a me 'bha -nu -wo mü 'wo Klisi -wɔn -dhiang zē- zē -dho -bha "wēwēe, =drɔ 'ka (n -san -bha), "εen "dhinaa -da kian 'ka. "Kee me 'bha -nu -zē 'pö -wa -zē wo zuē" 'puu 'ka. ¹⁶Me 'wo- -dhiang zē zuē" 'puu 'ka "dhü bha -wa -kē n -dho -bha, -a -gen -mü -dhe -wa 'wɔn dɔ -dhe 'wɔn 'ö -gban Atanna -bha naɔ -sē bha- -takozē -sü -bha bha yö -nē n -ya -a kēme 'ka, ¹⁷"kee me -kpea 'kö 'wo to 'ö 'wo wo -bha -kē "dhinaa -da kian 'ka, "εen me -gen mɔɔ- kian 'ka bha -wa -kē "dhü kö 'wo zuēdhiütēe 'ö n -bha -kaso 'gü bha -nē- 'bha -da -ta.

¹⁸"Kee 'kö 'zü woo- kē "dhü =we? -Wa -kē "gblüüdhe "puu -ta oo, -wa -kē "gblüüdhe tii -ta oo, 'yaa -siö n -dhe, -a -gen -mü -dhe 'kö 'zü 'wo- -kē -kɔ "ɔɔ -kɔ 'ö- 'gü, -a -nu =gban -wo Klisi =nē- -dhiang zē siē, -yö n =nii -zian =nē- -da, "kee 'sa -yö -dho n =nii -zian =nē- -da "dhü -kpeawo 'ö dho- 'ka. ¹⁹-A -gen -mü -dhe a- 'wɔn -dɔ -dhe -a "dhiü- -dho ta n -gɔ -a -sē -nē- -ta bhea" 'ka- wo siē Atanna -dhe n -wɔn 'gü bha waa- Yesu Klisi -bha 'Nii- "slüöslü -bha -kē n "piü -sü -wɔn 'gü. ²⁰-A pö 'a- wo "dhü bha- 'klɔɔ- -mü -dhe n 'dhang bho -sü -ya "dhiü 'kpakpadhö 'ö n "tüng 'dhö- 'gü -dhe 'yiü- 'yii 'dho dɔ n -bha tongtongdhö, -a -gen -mü -dhe a -to "yaan oo, "εen 'ö n zē -zian =nē 'wo- wo oo, "sika 'yaa n 'gü, Klisi 'tɔ -zē -dho bho n -bha -kpeawo 'ö dho- 'ka. ²¹-A -gen -mü -dhe Klisi =nē ma -zē ma -tosea 'ka, 'ma ga -zian -zē wo kö =ya kē -nē- wo -sē, kö maa n =trɔɔn yö. ²²"Kee 'ö =ya kē 'zü -dhe 'ma 'to "yaan 'a dho =mɔɔ- -bha 'a yē -sē -kē, kö pē =plē bha =waa- pö 'a n -bha 'sü- 'gü, -a 'dhe maa- 'sü 'maa- dɔ. ²³'Ma dɔ 'wɔn =plē bha- =zinng 'gü. -Yö n "piü -dhe 'a 'go "kpungtaadhe ya- 'gü kö 'a 'dho Klisi "piü dhang- 'gü, -a 'dhe bha- 'dhia -yö n 'gü, ²⁴"kee 'ma zē 'zü ka -wɔn

-dhe, 'ma n -zv 'bha 'gɔn, 'yö 'a- pö n -to "kɔpɔng =taa -sü fië- -dhö n ga -sü -bha. ²⁵Dhe 'ö "dhü, n 'dhang bho -sü -za "dhiü 'ö 'a- 'wɔn dɔ 'kpakpadhō -dhe a -tun kö ka "piü "kɔpɔng =taa yö, a -tun kö ka "piü yö kē "dhü kö 'a ka faan dɔ kö ka -zv -yö -gban 'dhang -bho Atanna "dhiü -sü 'gü, kö ka -nii -yö -da 'pö. ²⁶-A -kē "dhü -sü 'gü, a -dho n yee -dee 'bha kē 'a nu ka -dhe 'gü. 'Ya kē "dhü ka -nii- -dho -da =dedewo n nu mü -sü bha- 'gü kwa Dème Yesu Klisi 'saa- 'gü.

²⁷"Kee 'wɔn dɔ 'ö "gbu- mü, yö -mü -dhe ka "ta -kɔ =nē -yö dhi, kö ka "ta -kɔ -yö bho 'pē 'ö Klisi -bha nao -sē -ya pö -a -bha. Kē "dhü kö, 'kö 'zü 'ö -kē -dhe a -nu mü oo, "een 'mii nu mü oo, "kee kö ka -dhiang -sē -zē -yö kē n "tuvdhō -kpeawo =dhe ka -ya -sü 'ka Klisi -bha -ya 'gü, =dhe ka -kɔ -yö 'wɔn dɔ =nē- -bha, -dhe ka zuēpiüwɔn =gban -yö dɔ 'dhang -bho Atanna "dhiü -sü 'ö 'wɔn -taɔng -sē -ya nu ka -dhe bha- -takozē -sü 'gü -a 'yaɔ- -nu 'ka. ²⁸"Suü 'ya 'dho ka kē ka 'yaɔ- -nu 'wo Atanna -wu -wɔn 'gü -a -nu -gɔ tongtongdhō. Yö =nē =ya kē "dhü 'yö- -zɔn -nu -dhe =dhe -wo 'dho sië wo -dɔ =dheɔng -zian -ta, 'yö dho- -zɔn 'pö ka -dhe =dhe kaa -dɔ 'pö ka dha -zian -ta. ²⁹"Kee 'sa Atanna kēwɔn =nē yö -zē 'ka, -a -gen -mü -dhe yö =nē -gasite -kē ka -dhe 'yö ka -kē Klisi dɔmē 'ka, 'yö 'yii 'to ka 'dhang -bho -a "dhiü -sü -dɔ dɔ -zian -bha, "kee 'yö 'ka dho 'ka saan" -nu =gban wo -a -wɔn 'gü. ³⁰Saan" 'ka n yö kö a- 'sü sië, 'ö 'a -tun -kö 'sü =dēe Atanna 'yaɔ- -nu -kɔ "dhiü bha 'ka -da 'gü =taamasü ya- 'gü n "piü.

Klisi -bha ö -gɔ -dho Atanna -dhe 'sia- -kɔ -dhiang 'ö Pɔdhö -ya zē

2 ¹-A -kē "dhü -sü bha- 'gü, 'ö sü ka -bha -kplü Klisi -bha -yi -bha 'ö nu 'ö zun- 'ka =dēe -bha, -to "piü -sü -faan -yö ka 'gü "we -ee? -A -bha -dho bha -yö kē ka faan -dɔ "we -ee? Kaa- Atanna -bha 'Nii- "slüöslü -nu ka -kɔ -yö 'ko =kwēe- "wē -ee? Ka -wēē -yö ka 'ko -kē 'ö 'ka "klüsē -kē ka "kwēē "wē -ee? ²'Ö 'ka- -bha -zē wo "dhü kö- -dhea -bha =dhe ka -wu -yö kē dɔ, kö ka -dho -bha ka 'ko kē -sü bha -yö =mɔɔ "kwēē, ka zuēpiüdhe -yö kē dɔ, kö 'ka Klisi -wɔn dɔ bha =nē- 'kun ka 'nii- 'ka, kē "dhü kö ma zuēniidadhe "dhiü -yö pa. ³Kö 'wɔn "ɔɔ 'wɔn 'ka dho- kē, kö 'ka 'dho- 'bha kē =drɔ 'ka, "een -dɔ -sü 'kpii- -sü 'ö- -zundhiübhɔɔ 'yaa 'dhö bha- 'ka. "Kee kö 'ka ka -gɔ 'dho 'sia- ka 'ko -dhe, kö 'ka mē "wēe -nu fië- bho ka -dɔ -bha! ⁴Kö 'mē 'dhe "dhü -yö -ya ö "tēado -mawɔn =nē- -wɔn zuēn -ta, kö 'ka 'dho 'to -ya -sü 'ka ka -dɔ -wɔn zuēn -ta doseng 'ka dho- 'ka. ⁵-Zu 'gɔn -kɔ 'ö gun (kwa Dème) Yesu Klisi -gɔ bha =nē -yö kē ka -gɔ -kpeawo. ⁶-A -gen -mü -dhe 'ö gun kö 'yii nu =kö "kɔpɔng =taa waa- Atanna -a -nu -due -gun dɔ, "kee 'yii ö -dɔ dan- 'ka. ⁷-Yö ö -kɔ =nē -kan ö -dɔ -wɔn "dhiü, 'yö =dhuēngdhe -kwi -da ö -bha, 'yö ö -dɔ -kē mē "bhu- 'ka 'yö nu "kɔpɔng =taa =dhe mē "bhu- =dede 'dhö, ⁸'yö ö -dɔ -da 'sia-, 'yö ö Dē Atanna -wu -ya =bhlēē 'gü =dedewo, 'yö dho 'ö -wɔ ö zē -wɔn -bha, =ya 'to 'nu ga -sü "fië -zē -bha -zianwo 'nu kö -fië- -dhö, "kee 'yö -wɔ -bha kö -wo ö dɔ "dhü -bha 'yiüsü 'ka -dhe mezēme

'dhö. ⁹Yö -në- -wɔn 'gü 'yö Atanna -ya -gɔ "dhiü =wlü 'pö, 'yö dho 'yö-gba -yɛa 'ö -bhlëüsü -yɛa =gban "pɛpɛ suu -bha bha- 'ka, 'yö dho 'yö 'tɔ 'ö -bhlëüsü 'tɔ suu -gban "pɛpɛ -bha bha- nu- -dhe. ¹⁰Kë "dhü kö Yesu 'tɔ bha "tɛɛpɛ suu -gban "pɛpɛ, -wo -kë dhang- 'gü oo, -wo -kë "kɔpung -taa oo, "ɛɛn -wo kë "se =wLöö oo, kö -wo -gɔ 'dho- -dhe "sia-, kö -wo zun wo kpiö 'gü -a -dhe. ¹¹Kë "dhü kö "dhi =gban "pɛpɛ -wa -dhiang zë yi do 'ka -wa pö Yesu Klisi -në mɛ =gban Dëmɛ 'ka =dedewo tɛan- 'ka, kö kwa Dë Atanna 'tɔ -yö bɔ- -ta kö -yö bɔ.

**Yesu -bha mɛ -nu -bha -kë "sɔng 'ka 'mɛ 'waa 'dhang bho-
-wɔn "dhiü -a -nu -dhe -kɔ -dhiang 'ö Pɔdhö -ya zë**

¹²-A -kë "dhü -sü bha- 'gü, n "taɔngdë -nu, 'ö gun kö a -tun ka kpö 'gü, ka -gun n -wu =bhlëë -ya sië. "Maa ka kpö 'gü dɔ 'kwa- wo ya- 'gü 'zü, "kɛɛ -a -dheɛa -bha =dhe 'ka- kë "dhü kö 'ka 'dho- 'ka "dhiü -kpɛawo, kö -yö ziö- 'ka -a 'dhe 'ka- -kë kö a mü bha- -ta. -Ka ka 'gü dɔ "gbu- kö dha 'ka- wo bha 'ka- 'gü -yë kë -suü Atanna -gɔ -sü 'ka. Kë "dhü kö ka -bha dha -sü 'ö "dhü bha- "dhiü -yö =mɔɔ "kwëë! ¹³-A -gen -mü -dhe -yö -dhi yöö =dede 'ö "dhü bha =në- -dhe 'yö yë bha- kë -faan waa- kë zuëga -da ka "gblüü-.

¹⁴-A -wɔn 'gü 'ka 'dho 'wɔn "bɔ 'wɔn 'bha kë -dɔn 'ka ka yun 'gü, "ɛɛn zaɔdhe 'ka. ¹⁵Kë "dhü kö 'ka kë "puu "slüüslü 'ka, kö pö 'a 'dho kë ka -bha, kö 'ka kë Atanna -bha 'në -nu =dede 'ö pö 'aa- -nu bha- 'ka 'wɔnyaakëme -nu 'wo "kɔpungtaadhe ya- 'gü =dɛɛ, 'ö 'waa- dɔ bha- -nu kpö 'gü. Kö 'ka kë -dhe "sɔng 'dhö kö 'ka -dhe 'pu 'mɛ 'wo "dhü bha- -nu -dhe "kɔpungtaadhe =gban "pɛpɛ 'gü. ¹⁶Kö 'ka -dhe "pu- -nu -ta Atanna -wu 'ö mɛ dha bha- 'ka. Yö -në =ya kë "dhü, 'yö 'a dho =mɔɔ- -bha 'a -ba n -dɔ 'gü Klisi nu -yi 'ka, 'yö 'a- 'wɔn dɔ =dhe yë 'a- -kë bha- =trɔɔn- -dhö, -dhe saan" 'a- wo bha 'mii- wo "wɛɛwɛɛ.

¹⁷Saan" ka- wo sië ka -bha -zɔ -yö Atanna -dhe -sü 'gü bha -yö -dhe "saa- -bho -dhe -sü =në- 'dhö. 'Ö =ya kë -zianwo =dhe 'ma 'to -kaso 'gü Yesu Klisi -wɔn ya- 'gü =wa n zë, 'yaa n 'gü 'wɔn 'bha 'ka, -a -gen -mü -dhe kö n ga -sü bha -ya kë =dhe "saa- 'ka- bho bha- =yɔɔn -bho "sia- -sü 'dhö, -yö -dho dhi n -dhe 'ö kweng- -nu =gban 'kwa -niidadhe 'ö n -gɔ bha- -kë kwa "kwëë. ¹⁸Kaa -dɔ 'pö ka =nii -yö -da -kɔ do bha- 'gü, kö kwa- =niidadhe bha- kë kwa "kwëë.

Pɔdhö -bha Timote waa- Epafloitö -a -nu -bɔ Fidhipö -sü -dhiang 'ö- zë

¹⁹-Ya kë =dhe =ya kë kwa Dëmɛ Yesu -wɔn -bha -wɔn 'ka, -yö n "piü =dhe 'a Timote bɔ ka -dhe 'gü, kö -a yee kë -sü 'ka, naɔ -sengbɔ -nu 'ö yaa- go- 'ka mü bha -wo n faan dɔ. ²⁰-A -gen -mü =dhe yöö do =në =ya kë, 'yö n -ta kun yë 'a- kë sië kwa Dëmɛ Yesu -dhe ya- 'gü. Yöö do =në =ya kë, 'yö -ya ka -wɔn zuën -ta =dedewo n "piü, mɛ "wɛɛ 'bha kö yöö- kë "dhü 'yaa 'dhö. ²¹-A -gen -mü =dhe mɛ -kpɛa 'wo to -wo wo -dɔ -gɔ -wɔn =në- bha, -a

"wɛɛ 'bha 'tu 'yaa (kwa Dème) Yesu Klisi -gɔ -wɔn -nu -bha. ²²Kaa =dede ka- 'wɔn -dɔ 'ò 'kaa- 'gü ka tiibha =dhe Timote -yö -kplü -sü 'ka Atanna -bha 'kpakpadhö. -Yö ö -dɪ nu -sü 'ka naɔ -sɛ 'ò go- 'piü bha- dɔ -sü -dhe -kɔ =gban -kɔ =gban 'gü n 'piü =dhe 'nɛ waa- dɛ 'dhö. ²³Yö =nɛ- -wɔn 'gü, 'yö n 'piü =dhe =ya kɛ =dhe 'wɔn 'ò ma -kaso -wɔn ya- 'gü 'ma- dɔ, 'a yö =nɛ- bɔ ka -dhe "vaandhö. ²⁴"Kɛɛ 'sa n 'dhang bho -sü -yö n Dème "dhiü 'kpakpadhö =dhe -a 'gü 'yaa =gblɛn 'zü kö mang =dede 'ma =loo ka "piü mü.

²⁵Kwa dheebhang Epafloditö 'ö -kɛ n yɛkɛyɔɔ 'ka Atanna -bha zian -ta, 'ö 'yi- Atanna -wɔ -ta -ko zɛ siɛ, 'ö 'ka n saan dɔ- -gɔ 'ö nu- 'ka n -dhe kö 'a n -mawɔn kɛ- 'ka bha -yö n -zɔ -kun kö 'a n -kɔ bho- 'gü kö -yö ö yee kɛ -yö nu ka "piü. ²⁶-A -gen -mü =dhe ka -dhɔ =ya gun =yaa- 'kun =dedewo, -ya "piü =dhe 'ö ö 'yan -kpan ka wɛɛdhe -bha 'do 'do 'ka, kɛ "dhü kö ka zuɛ" -yö 'waanu, -a -gen -mü =dhe -a ma 'ka- wo =dhe "yua =yaa- kɛ "gbu- bha =ya gun =yaa- zuɛ" kaan- "kwɛɛ =dedewo. ²⁷-Yö "dhü tɛan- 'ka =dhe "yua -ya kɛ -sü 'ka -ziisü, -yö kɛ -tɛng ga -sü -ta -zianwo, "kɛɛ -a -wɛɛ kɛ Atanna -kɛ, 'ö mang -dɪ 'pö n -wɛɛ -ya -kɛ, -a -gen -mü =dhe -yö -ga -zɛ wo 'nu kö a saan" 'gü -zɛ wo -blɛsü, "kɛɛ kö- -ta -kpɛa =ya dɔ. ²⁸Yö =nɛ 'a- zɛ- -wɔn -dhe 'yö 'a- bɔ ka -dhe -beang 'ka, kɛ "dhü kö 'ka- yö kö ka zuɛ" =nii -yö -da, "kɛɛ kö mang -dɪ 'pö zuɛdhiütɛ 'ö n -bha bha- 'bha- "kan- -ta. ²⁹=Dhe 'ö "dhü, =ya nu kö -yö -loo mü, -ka -sɛ kɛ- -wɔn "dhiü, kö 'ka- -dhɔkɛ, kö 'ka 'wɔn 'dhia ma- 'gü =dedewo -a -kɛ ka dheebhang 'ka -sü 'ö kwa Dème Yesu -bha zian -ta bha- -wɔn 'gü. Me suu 'wo "dhü bha -ka -bhlɛɛ -ya -nu -bha. ³⁰-A -gen -mü =dhe -ya -zɛ Klisi -wɔn =nɛ- -dhe 'yö -tɛng ga -sü -ta bha. N -takunkapɛ 'ö- -kpan n -bha -kɔ 'yaa gun (kwa -ya "kwɛɛ =gblɛn -sü -wɔn 'gü) bha ka- dɔ yö =nɛ- -gɔ 'yö nu- 'ka n -dhe, yö =nɛ- -wɔn 'gü 'yö- -dhe to 'dede kö- -gɔ -to 'gü.

**-Tosɛa kɛ -kɔ 'ö 'yaa pö -ya mɛ -bha Atanna
wɛɛdhö -a -dhiang 'ö Pɔdhö -ya zɛ**

3 ¹-Ya 'go yö -zɛ 'gü, n dheebhang -nu, a- -pö ka -dhe =dhe 'ka ka "dhia bho ka -bha -kɛ kwa Dème -bha zian -ta -sü -wɔn 'gü. 'Ma- -blɛsü pö ka -dhe 'sɛɛdhe -blɛsü 'a- bɔ ka -dhe bha- 'gü, "kɛɛ n 'gü 'yii 'dho ga -a -pö ka -dhe "dhü -sü 'ka, -a -gen -mü =dhe yö =nɛ -ya kɛ "dhü, 'yö 'kii 'dho -da mɛpöme -nu -wɔ "piü, 'ö 'ka -pö. ²Atanna -bha yɛseeme -nu bha -ka ka -dɪ 'kun- -nu -gɔ -sɛ, -ka ka -dɪ 'kun 'gben- -nu bha- -nu -gɔ, -a -gen -mü =dhe mɛpöme -nu -mü. -Yö -kɛ -nu 'gü =dhe -go 'gbannɛ 'gü -sü -nɛ mɛ dha Atanna wɛɛdhö, "kɛɛ 'yaaki 'ö 'yaa- -nu -bha bha 'yö -kɛ. ³A- -pö ka -dhe =dhe -go 'gbannɛ 'gü -mɛ =dede 'ö Atanna -ya dɔ, yö -mü kwa =nɛ kwa 'ka, -a -gen -mü =dhe kwa -zɛ kwa Atanna -dhɔkɛ -a -bha 'Nii- 'slüüslü bha =nɛ- -kɔ 'ka, 'ö 'kwa kwa "dhia bho kwa -bha -kɛ Yesu Klisi -bha 'ka -wɔn =nɛ- 'gü, 'ö 'kwaa kwa -zɔ 'gɔn mɛ "bhu- -nu wɔ -kɔ -dhe. 'Mɛ 'kwa "dhü

bha -në 'kwa -go 'gbannë 'gü -me -dede 'ka Atanna -zë 'gü. ⁴Mang -dt 'pö a -mɔɔ -bha 'nu 'a n -zu yö me "bhu- -nu wɔ -kɔ -dhe 'a n -dt sü- 'gü 'kpii-. -A -gen -mü -dhe -yö -kë me 'bha -nu 'gü -dhe Zuifø -nu kwa -bha Atanna -bha 'tɔng- -nu -ya -bhlëë 'gü -sü bha -në dho- -nu dha. "Kɛɛ 'sa =ya 'to 'nu- 'dhe 'kö bha- -bha kö ma -zë n -bha "dhiü- -ziö -nu -gban 'pepe -bha -ta -gblɛn. ⁵-A -gen -mü -dhe ma -zë a -to 'në "blë -dee 'ka 'a dho 'gbannë 'gü, 'ö "dhü kö 'a bho -a -dhekpaɔyi -ya kë "saaga. 'Ö -ya mü 'zü 'a -kë Izraædhö mi -dede 'ka, Bɛnngzame suu 'gü. N 'kpɔme -nu -gban -wo Eblö -në- 'ka, =ya kë "dhü kö Eblö mi tüütüü -dede -mü n 'ka. =Ya zun 'zü Atanna -bha 'tɔng- -nu 'ö Zuifø -nu 'wo- 'kun sië bha yö -zë -bha kö =ya -loo, -a -gen -mü -dhe -a -takɔɔme -nu 'wo- -nu Fadhizien -nu -kë bha- me do -mü n 'ka. ⁶=Ya 'to 'zü 'wɔn -pɛng -dɔ wo -gbin- -sü -bha, kö me- -dho kë n "dhiü, "kɛɛ kö 'waa 'gbe, -a -gen -mü -dhe -gbaɔn 'a- wo Atanna -bha 'kɔdhigüme -nu -ta, -a "sinma 'yaa 'dhö. =Ya 'to 'zü Atanna -bha 'tɔng- 'kun -sü -zë -bha, n -mɔɔ 'ka 'yaa 'dhö. ⁷"Kɛɛ 'wɔn "pepe 'wo gun n 'gü -bhlëësü -blesü "dhü bha- -gbaan kë n 'gü "wlaawɔn -në- 'ka "tɔng ya- 'gü Klisi -wɔn 'gü. ⁸=Ya 'to -zian wo- 'dhe 'kö 'a- pö bha- -bha kö- fië- 'bha- -dhö, "kɛɛ 'wɔn "pepe -gban -në =ya kë n 'gü -taamasü ya- 'gü "wlaawɔn 'ka, n Dëme Yesu dɔ -sü -bha -kë -së -kɔ yaa 'gü yaa bha- -wɔn 'gü. Yö -në- -wɔn 'gü 'yö 'ma n =taa zun 'wɔn -gban "pepe suu -gɔ =dɛɛ, 'yö 'a- -ga sië =dhe gbo 'dhö, kë "dhü kö 'a 'to -kplü -sü 'ka Klisi -wɔn -në- -bha (-a -gen -mü -dhe -a 'dhe 'kö bha 'bha 'yaa me dha). ⁹Kë "dhü 'zü kö 'a 'to- =kwɛɛ-. -A pö 'a- wo "dhü bha- 'klɔɔ- -mü -dhe 'maa n -zu 'gɔn -taamasü ya- 'gü =dhe Atanna -bha 'tɔng- 'kun -sü -në n "sɛɛdhe -gban bho n -bha -a wëëdhö, "kɛɛ 'dhang 'a- bho Klisi "dhiü -në n "sɛɛdhe =gban bho n -bha, -a -gen -mü -dhe me "sɛɛdhe -bho me -bha -kɔ 'dhe kö bha -yö -go Atanna -në- 'gü, me -dt faan 'yaa -mü, -ya -kë "dhü 'me 'ö 'dhang bho Klisi "dhiü -në- -dhe. ¹⁰Wɔn 'ö 'ma kë 'a n -zu gɔn- 'ka -yö doseng. Yö -mü -dhe kö 'a Klisi dɔ, kë "dhü kö 'gügbudhe 'ö Atanna -ya bho- 'ka ga 'gü bha -yö -da n 'gü, kö -wëëdhe 'ö- yö bha 'a n -bha yö 'pö, kö 'a n bo 'wɔn yaa kë -sü 'ka, (kö 'a kë- -gɔ =dhe 'me =ya ga- 'dhö =dhe -kɔ 'ö yöö -dt 'pö 'ö ga- 'ka bha- 'dhö). ¹¹Kë "dhü kö =ya kë -mɔɔ "kwëë -wɔn 'ka n -gɔ, kö 'a -bö 'pö (Yesu nu -yi 'ka).

¹²-A pö 'a- wo "dhü bha 'yii kë =dhe -yɛa 'a- mɔɔ- sië bha 'ma- =lɔɔ -në- wo 'nu, 'ɛɛn =dhe 'ma Atanna dhɔɔbhaawɔn -gban kë, =dhe pö 'aa n -bha 'zü -a wëëdhö, -abin! "Kɛɛ -beang -në 'a- 'sü sië, kë "dhü kö 'a n 'gü dɔ 'gbu- 'a -kpan -bha, =dhe 'ö -kë =dhe Yesu Klisi =ya mang -dt 'pö n 'san n -kɔ -bha bha- -wɔn 'gü. ¹³N dheebhang -nu, 'yii kë n 'gü =dhe n -kɔ =ya =mɔɔ- -bha 'nu, "kɛɛ a- -dɔ =dhe 'wɔn do 'bha -zë a- kë sië. 'Ö "dhü bha kö a -dho n kwaa- 'dhe 'kö 'ma ziö- -ta 'nu bha- -zü, 'ö n -zu -zian -yö bho yö -zë 'ka, kë "dhü kö n 'yaaki -yö 'to -a 'dhe 'ö n "dhiü bha -në- 'gü.

¹⁴Yö -në- -wɔn 'gü 'yö 'a -beang 'sü sië 'a dho n "dhiü -në- wo -kpɛawo, kë "dhü kö 'a- =la =lɔɔ dhang- 'gü, kö Atanna 'dhö Yesu Klisi bɔ kwa -dhe -dhe 'gü -yɛa 'ö- -wɔn 'ka dhang- 'gü bha 'a- =lɔɔ.

15-Dhe 'ö "dhü -a -dhea -bha -dhe me "pepe 'dhe 'kö 'kwa -kian -a -bha zian -ta bha kwa -wu -yö kē- 'dhe 'kö bha- 'gü do. =Ya kē 'zū -dhe me 'bha 'dhö -tun ka kpö 'gü 'ö -zvtadhe suu bha 'yaa- -gɔ, Atanna -dho -a -ta 'pu- -me -dhe 'kpakpadhö. 16"Kee kö 'zū 'ö -kē -kɔ "ʊʊ -kɔ 'ö- 'gü, -naa 'dhe 'kö 'kwa -wo -ta ya, kwa 'ta -gen -yö kē do kö 'kwa 'dho- 'ka "dhiü.

17N dheebhang -nu, -ka ka 'ta -kɔ 'sü n -bha -bha. -Kaa 'suan- bho 'me 'wo wo -bha 'ta -kɔ sü yi -bha -bha 'wo ka kpö 'gü bha =nē- -nu -bha. 18-A -gen -mü =dhe me 'gbe -wo -dhö 'ö- -nu 'ta -kɔ 'yaa bho Klisi -bha me -nu -bha -bha, "kee -wo -kē =dhe 'pē 'wo Klisi -bha -ga "dhü -bha -sü bha- 'yaa- =nē- 'ka -a 'dhö. 'Ma- pö ka -dhe "dhü pinngdhö, yö =nē 'a -tun 'bha pö 'zū ka -dhe "gbu 'ka =dē bha. 19'Me 'wo "dhü bha- -nu "dhiü ta -dhe -mü -dho peng 'gü -sü =nē- 'ka, -a -gen -mü =dhe -a -nu -dɪ -dhidhewɔn -nu =nē 'wo- -dhokē (=dhe- -nu -bha -zlan 'dhö). 'Wɔn -nu 'ö =waa- kē 'ö 'yiü- dho dɔ- -nu -bha bha =nē 'wo wo -dɪ 'tɔ bho -zian mɔɔ- 'gü. 'Waa kē -a -nu -zɔ 'yaa -da pē "wewe 'bha -wɔn -ta kö 'yii kē "kpungtaapē -nu -wɔn 'ka. 20"Kee kwa -zē kwa Dē -pö =dede 'ö 'dhö, 'yö dhang- 'gü -dhe 'ka, kwa Dēme Yesu Klisi 'ö kwa Dhame 'ka 'ö 'kwa kwa "yan 'to siē- -gɔ bha -yö -dho 'go mü =naa 'ö nu. 21Yö =nē dho nu 'yö kwa kwi 'ö "sɛ 'ka 'ö ga -kwi 'ka 'ö "sɪ 'yaa- -dhe ya- -gla, 'yö- -kē =dhe -a -dɪ kwi -bhlēēsü 'ö 'yaa ga 'ö medhe kē siē- 'gü bha- 'dhö, faan 'ö Atanna -ya nu- -dhe 'ö- -kɔ -yö -ziö 'ka pē suu =gban "pepe -gɔ bha- 'ka.

-Dhio 'ö Pɔdhö -ya dɔ Fidhipö -me -nu -ta

4 1Yö =nē- -wɔn 'gü, 'yö 'a bhea" siē ka -dhe, n dheebhang -nu. 'Yö n zuē" 'yaa 'waanu "yan -kpan ka -bha -sü 'ö ka -dho -bha n kē -sü -wɔn 'gü bha- 'gü, -a -gen -mü -dhe ka =nē ka -wɔn -yö n =nii -da, ka =nē 'ka -dhe -beang 'a- 'sü siē bha- -trɔɔn 'dhö. A -bhea ka -dhe yö =nē- -wɔn 'gü, kē "dhö kö 'ka 'to -kplü -sü 'ka kwa Dēme -bha -dhe -kɔ 'a- pö- 'ka ka -dhe bha- 'dhö, n dhɔɔbhaame -nu!

2Evodi kaa- Senngtisö, bhea" =nē 'a- wo ka -dhe kö me =ple bha 'ka dɔ "gbu- kö ka zuē" -yö kē do ka -bha -kē kwa Dēme -bha 'ka -sü -wɔn 'gü (kö 'ka 'dho "dhinaa 'ma). 3N "teado 'ö bhii -dɪ 'pö 'i n -takunme =dede 'ka bha, -bhö dɔ "gbu- kö 'i dhong -nu bha- -nu -ta 'kun, -a -gen -mü -dhe woo -dɪ 'pö -wo kē n -ta -kun Atanna -bha -gblü 'ö -gban -a -bha naɔ -sē dɔ -sü -bha bha- -a dɔ -sü -bha, =dhe Klema waa- n yēkēyɔɔ -nu -kpɛa 'wo to, 'ö kweng- -nu -gban kwa 'tɔ 'dhö Atanna -bha dhasü 'sēedhe 'gü bha- -nu 'dhö.

4A- -pö ka -dhe =dhe 'ka ka "dhia bho ka -bha -kē kwa Dēme -bha 'ka -sü -wɔn 'gü, yö =nē 'a- ziö 'bha wo siē 'zū ka -dhe mü bha, a- -pö -dhe 'ka ka "dhia bho =dede =nē- wo.

5-Ka kē dhongdhongsü, kaa- -kē dhongsü -sü bha -yö me =gban "pepe -zɔ 'kun, -a -gen -mü -dhe kwa Dēme -ya dun kwa -ta.

⁶'Ka 'dho -ya pë "ʊp pë 'bha -wɔn zuën -ta, "kɛɛ pë "ʊp pë 'ö ka -mawɔn -yö zun- -bha, -kaa -gbadhɛ Atanna -gɔ, -bhɛa -dhe -sü waa- -gbɛʊ kɛ -sü, waa- nuɛ" bho -sü 'ka. ⁷Ya kɛ -dhe 'ka- kɛ "dhü, -yö -dho ka zuɛ" 'waanu 'ö -ziö mɛbhudhe -zugɔngüwɔn -zɛ -gban "pɛpɛ "dhiütodhe -ta. Ka zuɛ" 'ö dho- 'waanu "dhü bha -nɛ dho kɛ ka -zu -gban -gen 'ka, 'yö 'ka -nɛng Yesu Klisi -bha, 'yö ka -zu -gɔn 'ka -wɔn "wɛɛ 'bha 'yaa kɛ kö 'yii kɛ Yesu Klisi -wɔn -zɛ 'ka.

⁸N dheebhang -nu, =ya 'go yö -zɛ 'gü, 'wɔn "ʊp 'wɔn 'ö tɛanwɔn 'ka, 'ö -bhlɛɛsü, 'ö pö 'aa- -bha, 'ö "puu, 'wɔn "ʊp 'wɔn 'ö -"dhia- dho 'ma mɛ 'gü, 'ö mɛ -bhlɛɛ 'gü -wɔn 'ka, 'ö -sɛ, 'ö mɛ 'tɔdhiwɔn 'ka yö -nɛ -yö kɛ ka -zu -gɔn 'ka -wɔn 'ka. ⁹Wɔn "pɛpɛ 'a ka =draan- -bha, "ta -kɔ 'ka- =slɔɔ n "dhiü, 'wɔn 'ka- ma n -ta, "ɛɛn 'ö 'ka- kɛ -dhe yö n -gɔ -nɛ- -kaa kɛ. 'Ka- kɛ "dhü, kwa -bha Atanna 'ö mɛ zuɛ" 'waanu bha -yö -dho 'to ka "piü.

**'Dhuɛ- 'ö Pɔdhö -ya -kɛ Fidhipö -mɛ -nu -bha
gbaɔ 'wo- wɔ- gɔ -a -wɔn 'gü**

¹⁰'Ma n -zu 'gɔn -ya 'ka- wo n -wɔn zuɛn -ta 'zü -deewo, 'ö 'ka -mɔɔ- -bha 'ka n -ta 'kun bha- 'ka, n zuɛ" =nii -yö -da =dedewo kwa -bha -kɛ kwa Dɛmɛ -bha 'ka -sü -wɔn 'gü. -A -gen -mü =dhe 'wɔn 'ka- -kɛ n -dhe bha -ya -zɔn n -dhe -dhe -a yi =ya =gwɛɛ kö ka =kwɛng -pɛ 'yii -kpan n -bha, kö- "slɛ =nɛ 'yaa gun ka 'yaan "kɛɛ kö ka -zu -zɛ 'yii bho n -wɔn 'ka. ¹¹-A pö 'a- wo "dhü bha 'yii kɛ -dhe =ya kɛ "dhü kö n -mawɔn -nɛ =ya zun pɛ 'bha -bha. -A -gen -mü =dhe 'ma dhɛɛ bho -tɔsɛa -kɛ =nii -da 'gü -sü 'ö "tüng suu =gban 'gü bha- 'ka. ¹²'Flɛɛ 'dhö n -bha, a -tɔsɛa 'kun -kɔ -dɔ, =naɔ 'dhö n -gɔ a -tɔsɛa 'kun -kɔ -dɔ. 'Wɔn "ʊp 'wɔn 'ö -da n -ta -dhe 'ʊp -dhe 'ö- 'gü, n -kɔ -yö -mɔɔ n -dɪ -bha. A din- 'gü -dɔ, 'ö 'a 'kɛn -sü 'gü dɔ, 'ö 'a =naɔ 'gü dɔ, 'ö 'a "flɛɛ 'gü dɔ. ¹³N -kɔ -yö -mɔɔ 'wɔn -nu bha- =gban kɛ -sü -bha "dhü n Dɛmɛ -nɛ- 'saa- 'gü, -a -gen -mü =dhe yö -nɛ n gba- -faan 'ka. ¹⁴"Kɛɛ yö -zɛ =gban 'gü, n -ta 'ka- kun 'ö 'ka n bho- 'ka -wɛɛ 'gü bha 'wɔn -sɛ -nɛ- 'ka- -kɛ.

¹⁵Fidhipö -mɛ -nu, kaa =dede ka yö -zɛ 'wɔn -dɔ 'kpakpadhö, -dhe 'a go ka -gɔ Maseduanö -sɛ 'gü yi 'bha 'ka, kö 'kwa Atanna -bha naɔ -sɛ ya- pö -sü zü bho -dee 'gü, mɛ "wɛɛ 'bha 'yii n saan bho do kö 'yii kɛ ka 'ka. "Kɛɛ 'sa Atanna -bha naɔ -sɛ 'a- dɔ ka -gɔ bha -nɛ 'ka zɛ- -wɔn -dhe 'yö 'ka n -ta 'kun, "kɛɛ 'sa kö 'mii naɔ bha- dɔ kaa do -zɛ ka -gɔ. ¹⁶Ka- zü -zian -bho kö a -tun Tesadhonikö. Ka n saan -bho -dhe bha- 'gü -gen -yan 'ka =plɛ, kɛ "dhü kö 'a n -mawɔn kɛ- 'ka. ¹⁷"Kɛɛ 'ya 'dho kɛ ka 'gü =dhe =ya kɛ "dhü kö a- -pö 'ka n saan -nɛ- bho -kpeawo. -Abin! 'Wɔn 'a n -zu gɔn- 'ka yö -mü =dhe kö 'wɔn -nu 'ka- kɛ siɛ n -dhe -kpeawo bha- =trɔɔn -nɛ -yö -da "dhiü ka -gɔ Atanna wɛɛdhö. ¹⁸Pɛ "pɛpɛ 'ka- dɔ Epafloditö -gɔ 'ö nu- 'ka n -dhe bha- =gbaan =loo, =ya n -kpla -dhe "pɛpɛ 'ö gun n -bha -a =gban bho n -bha, -a -kpea -zian =ya 'to, pɛ "pɛpɛ 'ö n -mawɔn gun- -bha 'ma- =gban

-slɔɔ Epafloeditö -bha -wo yö -sü bha- zian 'gü. Ka -kweng pë 'ö -kpan n -bha bha -yö -kë n -gɔ =dhe -dhasiklɔɔ =fii -së 'ö =wa Atanna -dho kë- 'ka 'ö- "dhia- ma- 'gü, 'ö- 'gü -wɔn -dhi -dhe bha =në- 'dhö. ¹⁹(-A -kë "dhü -sü bha- 'gü, ma -zë "sü 'yaa n -dhe kö 'a- gɔ "yɔɔ dɔ ka -gɔ,) "kɛɛ ma Atanna 'a n -zu gɔn- -dhe bha =në dho -kpla suu "vɔ suu 'ö -ya ka -bha -a bho ka -bha -a -bha =sloodhe -bha kwa Dème Klisi Yesu 'saa- 'gü. ²⁰Kö kwa Dè Atanna 'tɔ -yö bho "tüng =gban 'gü bha 'aa -yö kë!

-Tuabhonao 'ö Pɔdhö -ya dɔ

²¹Atanna -bha mɛ "pɛpɛ 'ka -kplü -sü 'ka kwa Dème Yesu Klisi -bha Fidhipö -pö 'gü 'ma ka =tua bho 'gbɛ! ²²Mɛ "pɛpɛ 'wo bɔ kwa -bha Atanna bha- 'ka 'wo 'dhang bho kwa Dème Yesu "dhiü 'wo -dhe ya- 'gü =wa ka =tua bho 'gbɛ. Kwa dheebhang -nu 'wo yö -a -nu =gban "pɛpɛ =wa ka =tua bho, "kɛɛ 'mɛ "pɛpɛ 'wo -gblüdë 'kpii- -gɔ 'kɔɔdhö -a -nu -bha bha- -kɔ pa do -ya -ta.

²³Kwa Dème Yesu Klisi -bha -gasite 'ö- -kë kwa -dhe bha -yö kë ka "piü "tüng =gban 'gü.